

Mundartgedichte aus dem Bestand des Heimatkreis-Archivs

Hellije Mann, watt soll esch saare.

Blaare op de Kistebank,
d´r Kloos jeht övver et wijje Lank.
Nou hööt ens op te roose,
Könnt morje wi-er so kroose.

D´r Kloos, de bimmelt an de Dүүr,
Dä Muff, dä jeht e Stöckske vür,
Esch soll et ösch net saare:
Dä söckt die braave Blaare.

Dä Muff steht op die Teene buute,
on kickt genau, no-r all die Puute.
Mer modden et jo lang all weete:
D´r Kloos es alt, dä dorf net schweete.

No-u bummst et buute an de Schieve,
die Kleene hüre op te schrieve.
En Kett, die rabbelt schwoor am Boom,
man hööt do benne, blos ehne Ohm.

Tumm bähne hevvt sojar die Häng
da jrötzte Boosch, da fussije Schäng.
Et fähle hütt die Wöttsches
se backe kleene Bröttsches.

On Stinke, e jedoldisch Ströppke,
die krüppt möt ührem Fleitezöppke,
bej mooder ongerem Ärbettsschlumm,
d´r Monk voll Kruut, en de Fuss en Fumm.

Och Mooder op de Kistebank,
vörr die schöne Bloos, von Hätte dank.
Bliev jesonk, hellije Mann, watt soll esch
saare:
"Merr hand bloos braave Blaare!"

Drööme, von d´r hellije Mann.

Wenkterwähr hät Klompe ahn,
Vrüss möt Schnee on Flocke,
koome möt dä hellije Mann
höösch e-ran jetrocke.
Hoppla Pättsche, hoppla hopp,
Zinter Kloos set boove dropp.
D´r Muff krüppt öm dat Huus e-röm
sträckt sech Hank on Fenger,
luurt och duur dat Schlötelslook,
op och brav de kenger.

Die sind braav, sind lang em Bett,
Ruprecht nix te brumme hät,
Mooder mäckt d´r Döösch parat,
hölt dat witte Laake.

Hej enne Teller, do enne Komp
vörr die schöne Saakes. Múskestell op
Schlupp on Sock,
ticketacke sähd die Klock, boove en dat
Söllerstöffke,
schloope em allerschönste Droom
Pitterke on Söffke.

Drööme, von d´r hellije Mann,
dä völ Schönes brenge kann.